

PROGRAMMA

QVO

UNIVERSITATIS. ROSTOCH: RECTOR

D. BERNHARDUS
BARNSTORFF

POLIATER. ET. MEDIC: PROF: PUBL:


ACADEMIÆ. CIVIBUS

SUB. QUADRAGESIMÆ. TEMPUS. TRAN-

QUILLUM. PIETATIS. STUDIUM

ATQVE

E. JESU. CHRISTI. SANGVINE
MEDICINAM
TRANSFUSORIAM
PRÆSCRIBIT



ROSTOCHII,

Typis JOH. WEPPLINGII, Univ. Typogr.



Oleo, Cives vere ineunte impuri sanguinis svadere remedia: Vobis autem medicinam nunc suppeditabo, eamque ex sanguine faciendam. Qvoda-genstempori non minus inservio, quam in sanandis Corporibus. Namq; si verna tempestate perpurgando sanguini consultitur; qvia tum herbæ recentes è terra prorumpunt & medici manum qvasi denuo contra

morbos armant: tum præsens consilium ex ipso tempore capio; qvo cruentæ mortis, qva salutem nostram Servator humani generis præparavit, memoria recoli incipit. Qvod nam ergo vobis aut tutius aut magis profuturum svadeam remedium, quam Christi sanguinem in animas vestras fideliter transfundere? Rerum medicarum consulti maximo quidem opere circa illud artificii genus desudarunt, an de corpore in corpus possit vivus transfundi sanguis, eoqve facto juvenus senili, integritas corrupto atqve vita moribundo restitui? Idem vero illis, qvod plerisque hominum consiliis accidit: Ut sæpe fallatur opinio concepta, & ipsa fallat adhuc frequentius. An vero Christi sanguis in fidelem possit derivari animam? nihil prorsus, habet in consilio ambigui, nil in autoritate dubii, nihil in exercitio impedimenti, nihil deniqve in effectu habet inconstantia. Istam medicinam augustissimo Sacrosanctæ Trinitatis consilio debemus, siquidem in Christo, eodemqve per sanguinem proprium peccata nostra expiature ante mundi jacta fundamenta dilecti sumus. Nihil ista medicina potius est, nihil antiquius, quæ ante destinata fuit, quam ullus nostrum mortalis esse, aut male agere inciperet. Altercentur quantavis animorum contentione inter se vel Britanni vel Galli, de excogitata transfusionis ejusqve processus gloria: nostra sane transfusio originis vere divinæ est, & æqualiter in universas porrigitur gentes. Inter Anglos primus esse creditur *Richardus Lowerus* atqve post eundem *Edmundus Kingk.* qui abhinc duo de quadraginta annis animalium sanguinem

ita

Epb. 1. 4.



501

58700(49)

ita permutarit: è Gallis autem primum in hominis corpore
 periculum fecisse putatur *Mr. Denis*. Ea vero inventorum
 fides suspecta haberi cœpit, postquam ex *Libanii* disputatione
 contra quendam Paracelsi pullum fatentibus Gallis adeo be-
 ne transfusionem describente, uti nihil possit clarius; saltem il-
 lud innotuit, quod rei modus plus quinquaginta annis ante
 circumfetri cœperit. Ipse incidi non ita pridem in locum
 quendam *Campanella*, qui plus fuit quam Philosophus, nihil
 minus quam Theologus, quem de eodem transfusionis nego-
 tio accipiendum suspicor: Sic enim postquam de mutandis
 affectibus dicere aggressus est, deinceps scribit: *Unde magis*
doctrinam elicere queat inducendi quamlibet affectionem atque
sanandi. Sicut humi seminantur & evelluntur semina. Con-
trarium expellit contrarium, magis autem si applicetur interi-
us quam exterius, simile educit simile, magis quidem appli-
catum de foris quam intrinsecus. Simul commixta duplicem, de sensu rez
pariunt effectum, vel dupliciter aut utroque modo operari & Magia
possunt. Qui potest capere capiat. Imo non desunt qui ulterius L. IV. c. 13.
 conjiciendo progrediantur & *Marsilio Ficino* seculi XV. scri- L. II. de stu-
 ptore, qui Platonem erudito orbi adseruit, peritiam transfu- dio/. Sanit.
 sionis sanguinis medicinæ adscribunt, eo quod alicubi seni- euenda C.
 bus decrepitis *suadeat sugere hirudinum more ex adolescente, conf. Pa-*
lato temperato atque sanguine abundante ejusque sinistri bra- schi Inven-
chi vena vix aperta uuciam unam aut duas, quo juvenescat. ta Nov. Ant
 Hinc sponte consequitur veteres artem istam non omnino p. 305.
 ignorasse, quamquam serius exerceri cœperit. Cui rati-
 oni imago inest Christianæ transfusionis. quæ non heri demum
 aut nudius tertius cognita esse cœpit; sed veteris instrumenti
 fidelibus perspecta fuit atque in salutem conversa. quan-
 quam ipsa domini mors & redemptionis exercitium ipsorum
 fidem insequeretur. Est autem chirurgica illa transfusio
 sanguinis genus medicinæ, quo tubulorum aut canalium
 artis lege adornatorum ope ex uno animali in aliud per in-
 cisos venarum principum ductus creditur ita derivari posse
 vivus sanguis, ut post acceptum alienum sanguinem animal
 antehac ægrum plene convalescat. Res ea uti pleraq; solent
 primum excogitata in principio variis fuit impedita molestiis
 donec

donec facilius quidem & satis expedita methodus reperta fuit:
 quæ tamen, quia hominum vita in discrimine est, aut nullis,
 aut paucissimis exemplis confirmata est: atque in animalibus
 brutis aliquando feliciter cessit, vix quoquam è medicis cir-
 ca hominem rem frequentius experiri aulo. Licebit mihi
 hæc omnia ex mea arte in sacrum transferre mysterium: ea-
 dem forte non magis indigna, quam sanctissima fides sub
 agriculturæ aut mercatus, aut piscationis figura repræsen-
 tatur. Quemadmodum ergo hoc medicinæ genus ex san-
 guine est, qui ex alieno in ægrum Corpus ita transit, ut illi
 existat proprius atque vitales in illo motus exerceat: Sic medi-
 cina animæ est è sanguine Christi: qui in justificationis negotio
 ita occupat fidelem animam, ut ipsi velut insitus aut conge-
 nitus esse videatur. Sed in humana illa transfusione ea omni-
 um nobilissima ratio esse videtur, quæ de homine in homi-
 nem vitalis liquor transfunditur; cum ex bestiis facta deri-
 vatio suspecta non immerito reputetur, & varia post se trahat
 incommoda: At animæ multo adhuc minus inceditur vel
 oceanus alieno cruentatus sanguine. Potuit sane olim san-
 guis taurorum hircorumque emundare corporis inquina-
 menta. Sed Christi sanguis illa est medicina, quæ consci-
 entiam operibus mortuis subactam vitæ restituit. Inter
 ipsos medendi artifices male solet audire transfusionis inven-
 tum, quia contra naturam sit, & æque alienum à genuina
 corporum nutritione, *quam si quis in domum, quam ordinaria*
via ingredi deberet, sese per fenestram injiceret: Quamquam
 opponant qui ex altera parte versantur; in rebus Medicis at-
 que Physicis solam experientiam peremptorie decernere, eaque
teste frustra esse quævis ratiocinia. Idem vero de Christiana
 transfusione multo magis valet: quæ supra omnem natu-
 ræ captum est, atque rationis iudicio exposita ineptiis accen-
 setur, ipsa de cœtero invicto divinæ veritatis fundamento
 superimposita atque tot cœlitum salutari experimento com-
 probata. Solet fieri transfusio in corporibus adminiculo
 tubulorum aut canalium è quacunque habili materia confe-
 ctorum, qui ab utraque extrema parte hinc in emittentis inde
 in recipientis venam intruduntur, tum tractus intermedius re-
 pida

Ebr. IX. 13.

conf. Jour.
nal. de Sca-
vans. T. IV.

p. 22.

vid. Act.

Angl. A. 67.

p. 455.

pidæ aquæ vaporibus aut quovis calore alio refocillatur. Nul-
 lo sane pretio satis æstimari potest Fides, Sacrosanctum il-
 lud instrumentum, per quod Christi sanguis in animum cre-
 dentis defluit: ea namque, quæ parte divinus sanguis effun-
 ditur, infallibilem verbi divini veritatem habet; atque in
 illo extremo, quod animam fidelem attingit, indubiam ha-
 bet fiduciam; ex reliquo autem ardentissimo ac reciproco
 Jesu ac animæ amore inflammatur quasi atque incalescit.
 Licet observari, quod cum primi inventores periclitati sint
 suam transfundendi *ἐνχειρίδιον*, multa opus fuisse venarum
 ligatura nodulisque, quæ dissecata arteria utrinque con-
 stringeretur. Cui tamen *Emmeresius* quidam *Parisiensis* Chi- *vid. A. 67.*
rurgus substituit artem tanta cum facilitate exercendi transfu- *Angl. A. 67.*
sionem sola punctione ac sine ulla ligatura, non secus atque in
Phlebotomia fieri assolet, Quo facto cessabunt multa: quibus *p. 364.*
 in priori illa ratione æger, non potest fieri, quin mittere ex-
 crucietur. Mihi nullus durior nodus, nulla doloris species
 accutior accidere posse videtur, quam quod in pristino gratiæ
 fœdere majores tot rituum stricturis, tot vinculis cæremonia-
 rum, tot cultus externi molestiis impliciti fuerint: pro qui-
 bus nostræ ætate per suavissimum Evangelii onus ab his tali-
 bus aurea libertas successit. Ordinarie solet infundi sanguis
 venarum carothidum alicui, aut brachii, aut, ex sententia cele-
 berr. *Noriorum Medici Hoffmanni*, venis, quæ supra transversam *vid. Sturm.*
 manum prominent. Divinæ autem, quæ justum facit pec- *Phil. Ec-*
 catorem per Christi meritum operationi, omnium maxime *clef. T. 11*
 præcipua pars, nempe anima inservit; Huic primum salu. *Disp. 10 p. 495*
 taris medicina instillatur, virtutem tam late pandens, ut non
 modo animam sibi ipsi restituat, sed corpus quoque ipsum
 vitæ æternæ seminibus initiet, Neque enim quod *Denisio*
 civis ipsius *Eutrophon* objicit de medicina transfusoria, fo-
 re ut animali seu homine emittente aut recipiente morte
 prærepto, reliqua pars propter commercium sanguinis at-
 que Spiritus vitalis ipsum putrescere occipiat, hic locum ha-
 bet: quippe Christus mortem prorsus ignorat homo autem
 illius sanguine sanatus etiam si mortem oppetat, valet ta-
 men illud: *quisquis meum hauserit sanguinem, is vitam eter-*

nam consequetur, atque ipse eundem novissime faciam resurget
Job VI. 25. re. Quid si humana arte id inveniri potuit ut ex animante
 valido atque integro in aliud ægrum atque tabidum sanguis
 transfusus sit; atque scabiosus ille & impurus latex sincero ani-
 mali restitutus fuerit eo effectu, ut convaluerit ægrum, alte-
 rum veronil detrimenti ceperit aut contagii? Quid inquam,
 futurum esse putatis de nostra medicina transfusoria? annon
 multo perfectius Christi sanguine omnia nostra eluentur pec-
 cata, annon nos ex ipsius vulneribus sanabimur, re-
 cepto generosæ ac divinæ indolis sanguine? neque ta-
 men ipse ideo fiet deterior quamvis omnem nostram cul-
 pam ipse recipiat? Usus docuit artifices, partim debilitari in
 naturalis transfusione sanguinis corpus recipiens item ac
 emittens, atque hoc etiam interdum plane deficere; partim
 etiam antea è morbido corpore educi debere vitiosum li-
 quorem, quo spatium illabendi detur novo ac meliori, un-
 de & quidam in illam abeunt sententiam *magis evacuatione,*
quam restitutione sanguinis prodesse transfusionem; dehinc eti-
 am non possent novum immitti vel permisceri cum altero sangui-
 nem sine vehementiori quadam fermentatione. Quæ omnia
 modo si unum excipias, de majori usu transfusionis per exone-
 rationem pristini, quam novi accessionem (quippe quod vix
 sine Pontificiæ Superstitionis nota huc transferretur) ad præ-
 sens negotium omnino pertinent. Namque; vetus homo ejusque;
 vires frangi debent ac prosterni in homine; Christo autem
 hoc medicinæ genus ipsa morte constitit. Porro quando san-
 guinis dominici virtutem nobis adserimus; primo evacua-
 ri debet animus peccati vinculis & superbo carnis dominio.
 Denique nullus tantopere effervesceat aut repugnat alteri con-
 trarius sanguis; quin lucta carnis atque Spiritus intra ani-
 mum sit fervidior atque incitator. Nolo nunc plura in eam
 rem addere, neque; enim volenti quicquam porro dicere alia,
 argumenta suppeterent; quam quæ infinitis modis nostram
 hæc animæ medicinam præstare alteri evincerent. Cum
 enim de illa tenuiter vel ipsi auctores sentiant, alii penitus de-
 sperent, atque; etiam mihi recte observasse videatur. *Cl. Stur-*
mus circa opinionem Cl. cujusdam Medici de odio inter
 amicos

conf. A. 1.

Angl. A. 67.

p. 363.

Pbil. Eccl.

T. I. disp. 10.

p. 523.

amicos fratres aut conjuges enato per hanc transfusionem
superando; non, si corpus queat, eandem posse sanare pravas
mentis opiniones aut voluntatis vitia. Hic non potest res effe-
ctu carere, modo ipsa mens temere non resistat aut acceptum
profundat beneficium. Nihil certius est atque divinius ea
veritate, ipsam mentem nostram in melius tum converti. *Rom. V. 5.*
Quid enim est quod Scribit Apostolus: esse amorem Dei in
corda fidelium effusum. At vero quid est amor Dei erga nos,
quam quod filium suum nostri causa morti tradiderit? Nul-
lus etenim tenerior est atque potior amor eo ipso, quod vi- *Job. XV. 13.*
tam quis pro altero deponat: quod effuso largiter sanguine
ipsa que adeo cum eodem vita fecit Servator. Avertat a vobis
divina clementia, Cives, ne cuiquam vestrum illud circa ani- *vid. Act.*
mæ curam eveniat quod in chirurgica transfusione accide- *Angl. A. 67.*
re iis consuevit, quibus viscera nimium corrupta sunt: ut, *p. 420. 457*
mortem citius medicina accersat quam valetudinem promo-
veat. Ah! Credite mihi idem posse illis accidere qui ani-
mo nimis impuro ac ad fidem emortuo Sacrum hunc diripi-
unt sanguinem: ut accersant sibi ipsi exitiale iudicium non
discernendo dominicum Sanguinem. Durissime istiusmo- *1 Cor. XI. 9*
di a minis interminatur idem divinus scriptor, qui profanent *Ebr. X. 29.*
sanguinem divini fœderis, quo sanctos eosdem præstiterit.
Hujus effugiendæ calamitatis vere acerbæ, quamquam om-
ni tempore vos dedeceat ansam negligere, tamen præ-
senti hoc omnium studiosissime captari debet: quo morien-
tis Jesu memoriam resuscitamus. Credite mihi, non quidem
ex moroso altercandi aut objurgandi studio, cujus sane
(quod ad vestram laudem meamque scribo gloriam) nulla
mihi hæcenus causa fuit, scribenti: quod sitam multiplicem
tamque sanctam, quæ nunc undique nobis offertur, Chri-
stum patientem mortuumque salutariter cognoscendi facul-
tatem neglexeritis aut præterire sinatis: hanc ipsam aliquan-
do in vestram perniciem inque vestram condemnationem iri
conversum. Quæso vos ergo per vestram salutem, perque
tot animæ tot corpori Servatoris inflictos vestra causa dolo-
res, per sancta ejus vulnera ac mortem innocuam, accedite
ad propitiatorium præsentissima fide adpersi corda vestro
Divino

Divino ejus sanguine. Ecce vobis Jesu patientis nunc de-
 nuo oblata imaginem: Hanc quæso intuemini, ut in ipso
 ærumnarum discrimine excludet Sanguinem; ut idem ille
 Luc. XXII. constagnatus atque in grumas (θρόμβος) collectus non
 44. aliter in terram procidat, quasi nemo tam æger, nemo tam
 ad convalescendum avidus sit, qui prius calidum recipiat
 sanguinem, quam ipse coalescat: ut imbres cruenti ex tot
 flagellorum ictibus per universum corpus depluant: ut caput
 elicto colaphis atque spinarum punctibus sanguine madeat:
 ut tandem ex aperto latere quicquid erat sanguinis reliquum
 prorumpat. Accurrite, ite omnes intendite nervos omnes
 pandite animi recessus ut isthoc rore irrigemini, atque hæc
 vobis medicina profit. Haurite pretiosissimum hunc sangui-
 nem, atque patiamini, quo is mentem vestram ac studia
 itemq; actiones vitali Spiritus calore impellat: sic gratus erunt
 opera vestra odor divinis naribus, atq; felicius inde emerget
 per sanguinem facta ac conciliata DEI in vos benevolen-
 tia; quam illi, de quo fabulam mihi attulisse videtur Theodo-
 rus quidam Moretus; quod rosas suo sanguine diu ante præ-
 paratas principi prius à se alieno frequenter dederit, qui
 cum odore simul singularem viri amorem attraxerit. Nolite
 autem nunc expectare, ut vos commonefaciam, quo tem-
 pus, quod quadragesimale vocant, pacate ac uti fecistis ha-
 ctenus, honeste atque egregie transigatis: neque enim
 aliter de vobis sperare hucusque didici, atque in vulga-
 ri etiam illa corporum cura experientiam habeo testem;
 eos, qui sanguinem salutarem venis imbiberunt, semper
 quietos esse ac tranquillos, quo promptius miros edet effectus
 MEDICINA TRANSFUSORIA.

Τό αἷμα τοῦ Χριστοῦ ὃ ὁ υἱοῦ τοῦ Θεοῦ καθάρει τὴν ἡμῶν διὰ
 τῆς ἀμαρτίας.

P. P. Dominica Estomihi, Sub Si-
 gillo Rectoratus, A. 1703.